



上象傳

孔子義錄即文王所繫之辭通謂之彖

大哉乾元萬物資始乃統天雲行雨施品物

流形大明終始六位時成時乘六龍以御天

乾道變化各正性命保合大和乃利貞首出

庶物萬國咸寧○至哉坤元萬物資生乃順

承天坤厚載物德合无疆含弘光大品物咸

亨牝馬地類行地无疆柔順利貞君子攸行

先迷失道後順得常西南得朋乃與類行東

易經

上象

北<sub>ニ</sub>啓<sub>ス</sub>明<sub>ヲ</sub>乃<sub>リ</sub>終<sub>ニ</sub>有<sub>レ</sub>慶<sub>ト</sub>安<sub>ク</sub>貞<sub>ノ</sub>之<sub>レ</sub>吉<sub>ヲ</sub>應<sub>ズ</sub>地<sub>ニ</sub>无<sub>レ</sub>疆<sub>ト</sub>○屯  
剛<sub>ニ</sub>柔<sub>ヲ</sub>始<sub>テ</sub>交<sub>テ</sub>而<sub>シ</sub>難<sub>ク</sub>生<sub>ス</sub>動<sub>ク</sub>乎<sub>レ</sub>險<sub>中</sub>大<sub>ニ</sub>亨<sub>テ</sub>貞<sub>ノ</sub>雷<sub>ノ</sub>雨<sub>之</sub>  
動<sub>ク</sub>滿<sub>テ</sub>盈<sub>テ</sub>天<sub>ニ</sub>造<sub>テ</sub>艸<sub>ヲ</sub>昧<sub>ク</sub>直<sub>ク</sub>建<sub>テ</sub>候<sub>テ</sub>而<sub>シ</sub>不<sub>レ</sub>寧<sub>ト</sub>○蒙<sub>ハ</sub>山<sub>ノ</sub>下<sub>ニ</sub>  
有<sub>リ</sub>險<sub>ニ</sub>險<sub>ニ</sub>而<sub>シ</sub>止<sub>ム</sub>蒙<sub>ハ</sub>亨<sub>テ</sub>以<sub>テ</sub>亨<sub>テ</sub>行<sub>テ</sub>時<sub>ニ</sub>中<sub>ニ</sub>也<sub>ト</sub>匪<sub>ス</sub>我<sub>ノ</sub>求<sub>ム</sub>  
童<sub>ノ</sub>蒙<sub>ニ</sub>童<sub>ノ</sub>蒙<sub>ニ</sub>求<sub>ム</sub>我<sub>ノ</sub>志<sub>ニ</sub>應<sub>ズ</sub>也<sub>ト</sub>初<sub>ニ</sub>筮<sub>ハ</sub>告<sub>ク</sub>以<sub>テ</sub>剛<sub>中</sub>也<sub>ト</sub>再<sub>ニ</sub>  
三<sub>ニ</sub>瀆<sub>ス</sub>瀆<sub>ス</sub>則<sub>シ</sub>不<sub>レ</sub>告<sub>ク</sub>瀆<sub>ス</sub>蒙<sub>也</sub>蒙<sub>ハ</sub>以<sub>テ</sub>養<sub>テ</sub>正<sub>ノ</sub>聖<sub>ノ</sub>功<sub>也</sub>○  
需<sub>ハ</sub>須<sub>ト</sub>也<sub>ト</sub>險<sub>ハ</sub>在<sub>リ</sub>前<sub>ニ</sub>也<sub>ト</sub>剛<sub>ニ</sub>健<sub>ニ</sub>而<sub>シ</sub>不<sub>レ</sub>陷<sub>ス</sub>其<sub>ノ</sub>義<sub>ハ</sub>不<sub>レ</sub>困<sub>ス</sub>窮<sub>ス</sub>  
矣<sub>ト</sub>需<sub>ハ</sub>有<sub>レ</sub>孚<sub>ト</sub>光<sub>ニ</sub>亨<sub>テ</sub>貞<sub>ノ</sub>吉<sub>ハ</sub>位<sub>ニ</sub>乎<sub>レ</sub>天<sub>ノ</sub>位<sub>ニ</sub>以<sub>テ</sub>正<sub>中</sub>也<sub>ト</sub>利

涉<sub>ハ</sub>大<sub>ニ</sub>川<sub>ヲ</sub>往<sub>テ</sub>有<sub>レ</sub>功<sub>也</sub>○訟<sub>ハ</sub>上<sub>ニ</sub>剛<sub>下</sub>險<sub>險</sub>而<sub>シ</sub>健<sub>訟</sub>  
訟<sub>ハ</sub>有<sub>レ</sub>孚<sub>ト</sub>窒<sub>ト</sub>惕<sub>ト</sub>中<sub>ニ</sub>吉<sub>ハ</sub>剛<sub>來</sub>而<sub>シ</sub>得<sub>レ</sub>中<sub>也</sub>終<sub>ニ</sub>凶<sub>ト</sub>訟<sub>ハ</sub>不<sub>レ</sub>  
可<sub>レ</sub>成<sub>也</sub>利<sub>ハ</sub>見<sub>ル</sub>大<sub>ニ</sub>人<sub>ノ</sub>尚<sub>ニ</sub>中<sub>ニ</sub>正<sub>也</sub>不<sub>レ</sub>利<sub>ハ</sub>涉<sub>ハ</sub>大<sub>ニ</sub>川<sub>ヲ</sub>入<sub>レ</sub>  
于<sub>レ</sub>淵<sub>也</sub>○師<sub>ハ</sub>衆<sub>也</sub>貞<sub>ハ</sub>正<sub>也</sub>能<sub>ク</sub>以<sub>テ</sub>衆<sub>ヲ</sub>正<sub>テ</sub>可<sub>レ</sub>以<sub>テ</sub>王<sub>ス</sub>  
矣<sub>ト</sub>剛<sub>中</sub>而<sub>シ</sub>應<sub>ズ</sub>行<sub>テ</sub>險<sub>ニ</sub>而<sub>シ</sub>順<sub>テ</sub>以<sub>テ</sub>此<sub>ヲ</sub>毒<sub>ト</sub>天<sub>下</sub>而<sub>シ</sub>民<sub>從</sub>  
之<sub>レ</sub>吉<sub>ハ</sub>又<sub>レ</sub>何<sub>ヲ</sub>咎<sub>ス</sub>矣<sub>ト</sub>○比<sub>ハ</sub>吉<sub>也</sub>比<sub>ハ</sub>輔<sub>也</sub>下<sub>ニ</sub>順<sub>從</sub>也<sub>ト</sub>  
原<sub>ハ</sub>筮<sub>元</sub>永<sub>貞</sub>无<sub>レ</sub>咎<sub>ト</sub>以<sub>テ</sub>剛<sub>中</sub>也<sub>ト</sub>不<sub>レ</sub>寧<sub>ト</sub>方<sub>來</sub>上<sub>下</sub>  
應<sub>ス</sub>也<sub>ト</sub>後<sub>ニ</sub>夫<sub>ハ</sub>凶<sub>ト</sub>其<sub>ノ</sub>道<sub>ハ</sub>窮<sub>也</sub>○小<sub>ニ</sub>畜<sub>ハ</sub>柔<sub>得</sub>位<sub>而</sub>上<sub>ス</sub>

下應之曰小畜健而巽剛中而志行乃亨密  
雲不雨尚往也自我西郊施未行也○履柔  
履剛也說而應乎乾是以履虎尾不噬人亨  
剛中正履帝位而不疚光明也○泰小往大  
來吉亨則是天地交而萬物通也上下交而  
其志同也內陽而外陰內健而外順內君子  
而外小人君子道長小人道消也○否之匪  
人不利君子貞大往小來則是天地不交而  
萬物不通也上下不交而天下无邦也內陰  
而外陽內柔而外剛內小人而外君子小人  
道長君子道消也○同人柔得位得中而應  
乎乾曰同人同人曰同人于野亨利涉大川  
乾行也文明以健中正而應君子正也唯君  
子爲能通天下之志○大有柔得尊位大中  
而上下應之曰大有其德剛健而文明應乎  
天而時行是以元亨○謙亨夫道下濟而光

明地道卑而上行。天道虧盈而益謙。地道變盈而流謙。鬼神害盈而福謙。人道惡盈而好謙。謙尊而光，卑而不可踰。君子之終也。○豫剛應而志行，順以動。豫，豫順以動，故天地如之。而況建侯行師乎？天地以順動，故日月不過而四時不忒。聖人以順動，則刑罰清而民服。豫之時義大矣哉。○隨剛來而下柔，動而說，隨大亨貞，无咎，而天下隨時，隨時之義大矣哉。○蠱剛上而柔下，巽而止。蠱，蠱元亨而天下治也。利涉大川，往有事也。先甲三日，後甲三日。終則有始，天行也。○臨剛浸而長，說而順。剛中而應，大亨以正，天之道也。至于八月有凶，消不久也。○大觀在上，順而巽，中正以觀天下。觀，盥而不薦，有孚顒若。下觀而化也。觀天之神道，而四時不忒。聖人以神道設教，而天下服矣。○頤中有物，曰噬嗑。噬嗑而

易經

四

亨剛柔分動而明。雷電合而章。柔得中而上  
行。雖不當位。利用獄也。○賁亨柔來而文剛  
故亨分剛上而文柔。故小利有攸往。天文也。  
文明以止。人文也。觀乎天文以察時變。觀乎  
人文以化成天下。○剝剝也。柔變剛也。不利  
有攸往。小人長也。順而止之。觀象也。君子尚  
消息盈虛。天行也。○復亨剛反動而以順行  
是以出入无疾。朋來无咎。反復其道七日來

復天行也。利有攸往。剛長也。復其見天地之  
心乎。○无妄剛自外來而為主於內。動而健。  
剛中而應。大亨以正。天之命也。其匪正有眚  
不利有攸往。无妄之往。何之矣。天命不祐。行  
矣哉。○大畜剛健篤實輝光。日新其德。剛上  
而尚賢。能止健。大正也。不家食。吉。養賢也。利  
涉大川。應乎天也。○頤貞吉。養正則吉也。觀  
頤觀其所養也。自求口實。觀其自養也。天地

養萬物。聖人養賢以及萬民。願之時大矣哉。  
○大過。大者過也。棟撓本末弱也。剛過而中。  
巽而說行。利有攸往。乃亨。大過之時大矣哉。  
○習坎。重險也。水流而不盈。行險而不失其  
信。維心亨。乃以剛中也。行有尚。往有功也。天  
險不可升也。地險山川丘陵也。王公設險以  
守其國。險之時用大矣哉。○離麗也。日月麗  
乎天。百穀艸木麗乎土。重明以麗乎正。乃化  
成天下。柔麗乎中。正故亨。是以畜牝牛吉也。

下彖傳

咸感也。柔上而剛下。二氣感應以相與。止而  
說。男下女。是以亨利貞。取女吉也。天地感而  
萬物化生。聖人感人心。而天下和平。觀其所  
感。而天地萬物之情可見矣。○恒久也。剛上  
而柔下。雷風相與。巽而動。剛柔皆應。恒。恒亨。  
无咎。利貞。久於其道也。天地之道。恒久而不

已也。利有攸往。終則有始也。日月得天而能久照。四時變化而能久成。聖人久於其道而天下化成。觀其所往而天地萬物之情可見矣。○遯亨。遯而亨也。剛當位而應。與時行也。小利貞。浸而長也。遯之時義大矣哉。○大壯。大者壯也。剛以動。故壯。大壯利貞。大者正也。正大而天地之情可見矣。○晉。進也。明出地上。順而麗乎大明。柔進而上行。是以康侯用錫馬蕃庶。晝日三接也。○明入地中。明夷。內文明而外柔順。以蒙大難。文王以之。利艱貞。晦其明也。內難而能正其志。箕子以之。○家人。女正位乎內。男正位乎外。男女正。天地之大義也。家人有嚴君焉。父母之謂也。父子。兄弟。夫婦。而家道正。正家而天下定矣。○睽。火動而上。澤動而下。二女同居。其志不同行。說而麗乎明。柔進而上行。得中。



而應乎剛是以小事吉。天地睽而其事同也。男女睽而其志通也。萬物睽而其事類也。睽之時用大矣哉。○蹇難也。險在前也。見險而能止。知矣哉。蹇利西南往得中也。不利東北。其道窮也。利見大人往有功也。當位貞吉以正邦也。蹇之時用大矣哉。○解險以動動而免乎險。解利西南往得衆也。其來復吉乃得中也。有攸往夙吉往有功也。天地解而雷

雨作雷雨作而百果州木皆甲拆解之時大矣哉。○損損下益上其道上行。損而有孚元吉无咎可貞利有攸往曷之用。二簋可用享。二簋應有時。損剛益柔有時。損益盈虛與時偕行。○益損上益下。民說无疆。自上下其道大光。利有攸往中正有慶。利涉大川。木道乃行。益動而巽。日進无疆。天施地生其益无方。凡益之道與時偕行。○夬決也。剛決柔也。

夬公  
快切

健而說。決而和。揚于王庭。柔乘五剛也。孚號有厲。其危乃光也。告自邑。不利即戎。所尚乃窮也。利有攸往。剛長乃終也。○姤遇也。柔遇剛也。勿用取女。不可與長也。天地相遇。品物咸章也。剛遇中正。天下大行也。姤之時義大矣哉。○萃聚也。順以說。剛中而應。故聚也。王假有廟。致孝享也。利見大人。亨聚以正也。用大牲吉。利有攸往。順天命也。觀其所聚。而天地萬物之情可見矣。○柔以時升。巽而順。剛中而應。是以大亨。用見大人。勿恤。有慶也。南征吉。志行也。○困剛揜也。險以說。困而不失其所亨。其唯君子乎。貞大人吉。以剛中也。有言不信。尚口乃窮也。○巽乎水而上水。井。井養而不窮也。改邑不改井。乃以剛中也。汔至亦未繙井。未有功也。羸其瓶。是以凶也。○革水火相息。二女同居。其志不相得。曰革。已日

乃孚革而信之。文明以說，大亨以正，革而當，其悔乃亡。天地革而四時成，湯武革命，順乎天而應乎人，革之時大矣哉。○鼎象也。以木巽火，亨飪也。聖人亨以享上帝，而大亨以養聖賢，巽而耳目聰明，柔進而上行，得中而應乎剛，是以元亨。○震亨，震來虩虩，恐致福也。笑言啞啞，後有則也。震驚百里，驚遠而懼邇也。出可以守宗廟社稷，以為祭主也。○艮止也。時止則止，時行則行，動靜不失其時，其道光明，艮其止，止其所也。上下敵應，不相與也。是以不獲其身，行其庭不見其人，无咎也。○漸之進也。女歸吉也。進得位，往有功也。進以正，可以正邦也。其位剛得中也。止而巽，動不窮也。○歸妹，天地之大義也。天地不交而萬物不興，歸妹，人之終始也。說以動，所歸妹也。征凶，位不當也。无攸利，柔乘剛也。○豐大也。

也 巽順

明以動故豐王假之尚大也。勿憂宜日中宜  
 照天下也。日中則昃月盈則食天地盈虛與  
 時消息而況於人乎。況於鬼神乎。○旅小亨  
 柔得中乎外而順乎剛止而麗乎明是以小  
 亨旅貞吉也。旅之時義大矣哉。○重巽以申  
 命剛巽乎中正而志行柔皆順乎剛是以小  
 亨利有攸往利見大人。○兌說也。剛中而柔  
 外說以利貞是以順乎天而應乎人說以先  
 民民忘其勞說以犯難民忘其死說之大民  
 勸矣哉。○渙亨剛來而不窮柔得位乎外而  
 上同王假有廟王乃在中也。利涉大川乘木  
 有功也。○節亨剛柔分而剛得中苦節不可  
 貞其道窮也。說以行險當位以節中正以通  
 天地節而四時成節以制度不傷財不害民  
 ○中孚柔在內而剛得中說而巽乎乃化邦  
 也。豚魚吉信及豚魚也。利涉大川乘木舟虛

也。中孚以利貞乃應乎天也。○小過小者過而亨也。過以利貞與時行也。柔得中是以小事吉也。剛失位而不中是以不可大事也。有飛鳥之象焉。飛鳥遺之音不宜上宜下大吉。上逆而下順也。○既濟亨小者亨也。利貞剛柔正而位當也。初吉柔得中也。終止則亂其道窮也。○未濟亨柔得中也。小狐汔濟未出中也。濡其尾无攸利不續終也。雖不當位剛柔應也。

上象傳

本義象者卦之上下兩象及兩象之六爻周公所繫之辭也

天行健君子以自彊不息。○潛龍勿用陽在下也。○見龍在田德施普也。○終日乾乾反復道也。○或躍在淵進無咎也。○飛龍在天大人造也。○亢龍有悔盈不可久也。○用九天德不可為首也。○地勢坤君子以厚德載物。○履霜堅冰陰始凝也。馴致其道至堅冰

也○六二之動直以方也不習无不利地道光也○含章可貞以時發也或從王事知光大也○括囊无咎慎不害也○黃裳元吉文在中也○龍戰于野其道窮也○用六永貞以大終也○雲雷屯君子以經綸○雖磐桓志行正也以貴下賤大得民也○六二之難乘剛也十年乃字反常也○卽鹿无虞以從禽也君子舍之往吝窮也○求而往明也○屯其膏施未光也○泣血漣如何可長也○山下出泉蒙君子以果行育德○利用刑人以正法也○子克家剛柔接也○勿用取女行不順也○困蒙之吝獨遠實也○童蒙之吉順以巽也○利用禦寇上下順也○雲上於天需君子以飲食宴樂○需于郊不犯難行也利用恒无咎未失常也○需于沙衍在中也雖小有言以吉終也○需于泥災在外也

自我致寇敬慎不敗也。○需于血順以聽也。○需酒食貞吉以中正也。○不速之客來敬之終吉雖不當位未大失也。○天與水違行訟君子以作事謀始。○不永所事訟不可長也。雖小有言其辯明也。○不克訟歸而逋也。自下訟上患至掇也。○食舊德從上吉也。○復即命渝安貞不失也。○訟元吉以中正也。○以訟受服亦不足敬也。○地中有水師。君子以容民畜衆。○師出以律失律凶也。○在師中吉承天寵也。王三錫命懷萬邦也。○師或輿尸大无功也。○左次无咎未失常也。○長子帥師以中行也。弟子輿尸使不當也。○大君有命以正功也。小人勿用必亂邦也。○地上有水比先王以建萬國親諸侯。○比之初六有他吉也。○比之自內不自失也。○比之匪人不亦傷乎。○外比於賢以從上也。○

易經

下四

顯比之吉位正中也。舍逆取順失前會也。○  
邑人不誡上使中也。○比之无首无所終也。  
○風行天上小畜君子以懿文德。○復自道  
其義吉也。○牽復在中亦不自失也。○夫妻  
反目不能正室也。○有孚惕出上合志也。○  
有孚攣如不獨富也。○既雨既處德積載也。  
君子征凶有所疑也。○上天下澤履君子以  
辯上下定民志。○素履之往獨行願也。○幽  
人負吉中不自亂也。○眇能視不足以有明  
也。跛能履不足以與行也。啞人之凶位不當  
也。武人爲干大君志剛也。○愬愬終吉志行  
也。○夬履貞厲位正當也。○元吉在上大有  
慶。○天地交泰后以財成天地之道輔相天  
地之宜以左右民。○拔茅征吉志在外也。○  
包荒得尚于中行以光大也。○无平不陂天  
地際也。○翩翩不富皆失實也不戒以孚中



心願也○以祉元吉中以行願也○城復于  
隍其命亂也○天地不交否君子以儉德辟  
難不可榮以祿○拔茅貞吉志在君也○太  
人否亨不亂羣也○包羞位不當也○有命  
无咎志行也○大人之吉位正當也○否終  
則傾何可長也○天與火同人君子以類族  
辨物○出門同人又誰咎也○同人于宗吝  
道也○伏戎于莽敵剛也三歲不興安行也  
○乘其墉義弗克也其吉則困而反則也○  
同人之先以中直也大師相遇言相克也○  
同人于郊志未得也○火在天上大有君子  
以遏惡揚善順天休命○大有初九无交害  
也○大車以載積中不敗也○公用亨于天  
子小人害也○匪其彭无咎明辯晷也○厥  
孚交如信以發志也威如之吉易而无備也  
○大有上吉自天祐也○地中有山謙君子

以哀多益寡稱物平施○謙謙君子卑以自  
 牧○鳴謙貞吉中心得也○勞謙君子萬民  
 服也○无不利撝謙不違則也○利用侵伐  
 征不服也○鳴謙志未得也可用行師征邑  
 國也○雷出地奮豫先王以作樂崇德殷薦  
 之上帝以配祖考○初六鳴豫志窮凶也○  
 不終日貞吉以中正也○盱豫有悔位不當  
 也○由豫大有得志大行也○六五貞疾乘  
 剛也恒不處中未亡也○冥豫在上何可長  
 也○澤中有雷隨君子以嚮晦入宴息○官  
 有渝從正吉也出門交有功不失也○係小  
 子弗兼與也○係丈夫志舍下也○隨有獲  
 其義凶也有孚在道明功也○乎于嘉吉位  
 正中也○拘係之上窮也○山下有風蠱君  
 子以振民育德○幹父之蠱意承考也○幹  
 母之蠱得中道也○幹父之蠱終无咎也○

易經下

十七

裕父之蠱往未得也○幹父用譽承以德也  
○不事王侯志可則也○澤上有地臨君子  
以教思无窮容保民无疆○咸臨貞吉志行  
正也○咸臨吉无不利未順命也○甘臨位  
不當也既憂之咎不長也○至臨无咎位當  
也○大君之宜行中之謂也○敦臨之吉志  
在內也○風行地上觀先王以省方觀民設  
教○初六童觀小人道也○闕觀女貞亦可

光大也

醜也○觀我生進退未失道也○觀國之光  
尚實也○觀我生觀民也○觀其生志未平  
也○雷電噬嗑先王以明罰勅法○履校滅  
趾不行也○噬膚滅鼻乘剛也○遇毒位不  
當也○利艱貞吉未光也○貞厲无咎得當  
也○何校滅耳聽不明也○山下有火賁君  
子以明庶政无設折獄○舍車而徒義弗乘  
也○賁其須與上興也○永貞之吉終莫之

易經

卷八

陵也○六四當位疑也匪寇婚媾終无尤也  
○六五之吉有喜也○白賁无咎上得志也  
○山附於地剝上以厚下安宅○剝牀以足  
以滅下也○剝牀以辨未有與也○剝之无  
咎失上下也○剝牀以膚切近災也○以宮  
人寵終无尤也○君子得輿民所載也小人  
剝廬終不可用也○雷在地中復先王以至  
日閉關商旅不行后不省方○不遠之復以  
脩身也○休復之吉以下仁也○頤復之厲  
義无咎也○中行獨復以從道也○敦復无  
悔中以自考也○迷復之凶反君道也○天  
下雷行物與无妄先王以茂對時育萬物○  
无妄之往得志也○不耕穫未富也○行人  
得牛邑人災也○可貞无咎固有之也○无  
妄之藥不可試也○无妄之行窮之災也○  
天在山中大畜君子以多識前言往行以畜

其德○有厲利已不犯災也○輿說輿中无  
无也○利有攸往合志也○六四元吉有  
喜也○六五之吉有慶也○何天之衢道大  
行也○山下有雷頤君子以慎言語節飲食  
○觀我朵頤亦不足貴也○六二征凶行失  
類也○十年勿用道大悖也○顛頤之吉上  
施光也○居貞之吉順以從上也○由頤厲  
吉大有慶也○澤滅木大過君子以獨立不  
懼遯世无悶○藉用白茅柔在下也○老夫  
女妻過以相與也○棟桡之凶不可以有輔  
也○棟隆之吉不桡乎下也○枯楊生華何  
可反也○老婦士夫亦可醜也○過涉之凶不  
可咎也○水洊至習坎君子以常德行習教  
事○習坎入坎失道凶也○求小得未出中  
也○來之坎坎終无功也○樽酒簋二剛柔  
際也○坎不盈中未大也○上六失道凶三

易經下

歲也○明兩作離大人以繼明照于四方○

履錯之敬以辟咎也○黃離元吉得中道也

○日昃之離何可久也○突如其來如无所

容也○六五之吉離王公也○王用出征以

正邦也

下象傳

山上有澤咸君子以虛受人○咸其拇志在

外也○雖凶居吉順不害也○咸其股亦不

處也志在隨人所執下也○貞吉悔亡未感

害也憧憧往來未光大也○咸其脢志末也

○咸其輔頰舌滕口說也○雷風恒君子以

立不易方○浚恒之凶始求浚也○九二悔

亡能久中也○不恒其德无所容也○久非

其位安得禽也○婦人貞吉從一而終也夫

子制義從婦凶也○振恒在上大无功也○

天下有山遯君子以遠小人而惡而嚴○遯

脢背肉也  
滕騰通騰  
通用

尾之厲不往何災也○執用黃牛固志也○  
係遯之厲有疾憊也○畜臣妾吉不可大事也  
○君子好遯小人否也○嘉遯貞吉以正志  
也○肥遯无不利无所疑也○雷在天上大  
壯君子以非禮弗履○壯于趾其孚窮也○  
九二貞吉以中也○小人用壯君子罔也○  
藩決不羸尚往也○羸羊于易位不當也○  
不能退不能遂不詳也○艱則吉咎不長也○  
明出地上晉君子以自昭明德○晉如摧如  
獨行正也○裕无咎未受命也○受茲介福以  
中正也○衆允之志上行也○鼫鼠貞厲位  
不當也○失得勿恤往有慶也○維用伐邑  
道未光也○明入地中明夷君子以莅衆用  
晦而明○君子于行義不食也○六二之吉  
順以則也○南狩之志乃大得也○入于左  
腹獲心意也○箕子之貞明不可息也○初

登于天照四國也。後入于地。失則也。○風自  
火出家人。君子以言有物而行有恒。○闕有  
家志未變也。○六二之吉。順以巽也。○家人  
嗃嗃。未失也。婦子嘻嘻。失家節也。○富家。木  
吉。順在位也。○王假有家。交相愛也。○威如  
之吉。反身之謂也。○上火下澤。睽。君子以同  
而異。○見惡人。以辟咎也。○遇主于巷。未失  
道也。○見輿曳。位不當也。无初有終。遇剛也。  
○交孚。无咎。志行也。○厥宗噬膚。往有慶也。  
○遇雨之吉。羣疑亡也。○山上有水。蹇。君子  
以反身脩德。○往蹇來譽。宜待也。○王臣蹇  
蹇。終无尤也。○往蹇來反。內喜之也。○往蹇  
來連。當位實也。○大蹇朋來。以中節也。○往  
蹇來頤。志在內也。利見大人。以從貴也。○雷  
雨作解。君子以赦過宥罪。○剛柔之際。義无  
咎也。○九二貞吉。得中道也。○負且乘。亦可



醜也。自我致戎。又誰咎也。○解而拇。未當位也。○君子有解。小人退也。○公用射隼。以解悖也。○山下有澤。損。君子以懲忿窒欲。○已事遄往。尚合志也。○九二。利貞。中以為志也。○一人行。三則疑也。○損其疾。亦可喜也。○六五。元吉。自上下祐也。○弗損益之大得志也。○風雷益。君子以見善則遷。有過則改。○元吉无咎。下不厚事也。○或益之自外來也。○益用凶事。固有之也。○告公從。以益志也。○有孚。惠心。勿問。之矣。惠我德。大得志也。○莫益之。偏辭也。或擊之。自外來也。○澤上於天。夬。君子以施祿及下。居德則忌。○不勝而往。咎也。○有戎。勿恤。得中道也。○君子夬夬。終无咎也。○其行次且。位不當也。聞言不信。聰不明也。○中行无咎。中未光也。○无號之凶。終不可長也。○天下有風。姤。后以施命誥。四

方○繫于金柅柔道牽也○包有魚義不及  
 賓也○其行次且行未牽也○无魚之凶遠  
 民也○九五含章中正也○有隕自天志不舍  
 命也○姤其角上窮吝也○澤上於地萃君  
 予以除戎器戒不虞○乃亂乃萃其志亂也  
 ○引吉无咎中未變也○往无咎上巽也○  
 大吉无咎位不當也○萃有位志未光也○  
 齋咨涕洟未安上也○地中生木升君子以

順慎  
通用

願德積小以高大○九升大吉上合志也○  
 九二之孚有喜也○升虛邑无所疑也○王  
 用亨于岐山順事也○貞吉升階大得志也  
 ○冥升在上消不富也○澤无水困君子以  
 致命遂志○入于幽谷幽不明也○困于酒  
 食中有慶也○據于蒺藜乘剛也入于其宮  
 不見其妻不祥也○來徐徐志在下也雖不  
 當位有與也○剝剝志未得也乃徐有說以

中直也。利用祭祀。受福也。○困于葛藟。未當也。動悔。有悔。吉行也。○木上有水。井。君子以勞民勸相。○井泥不食。下也。舊井无禽。時舍也。○井谷射鮒。无與也。○井渫不食。行恻也。求王明。受福也。○井甃无咎。脩井也。○寒泉之食。中正也。○元吉在上。大成也。○澤中有火。革。君子以治歷明時。○輦用黃牛。不可以有爲也。○巳日革之。行有嘉也。○革言三就。又何之矣。○改命之吉。信志也。○大人虎變。其文炳也。○君子豹變。其文蔚也。○小人革面。順以從君也。○木上有火。鼎。君子以正位凝命。○鼎顛趾。未悖也。利出否。以從貴也。○鼎有實。慎所之也。我仇有疾。終无尤也。○鼎耳革。失其義也。○覆公餗。信如何也。○鼎黃耳。中以為實也。○玉鉉在上。剛柔節也。○洊雷。震。君子以恐懼脩省。○震來虩虩。恐致福也。

限腰  
也

笑言啞啞後有則也○震來厲乘剛也○震  
 蘇蘇位不當也○震遂泥未光也○震往來  
 厲危行也其事在中○大无咎也○震索索中  
 未得也雖凶无咎與鄰戒也○兼山艮君子  
 以思不出其位○艮其趾未失正也○不拯  
 其隨未退聽也○艮其限危薰心也○艮其  
 身止諸躬也○艮其輔以中正也○敦艮之  
 吉以厚終也○山上有木漸君子以居賢德  
 善俗○小子之厲義无咎也○飲食衎衎不  
 素飽也○夫征不復離羣醜也婦孕不育失  
 其道也利用禦寇順相保也○或得其桷順  
 以巽也終莫之勝吉得所願也○其羽可用  
 為儀吉不可亂也○澤上有雷歸妹君子以  
 永終知敝○歸妹以娣以怙也跛能履吉相  
 承也○利幽人之貞未變常也○歸妹以須  
 未當也○愆期之志有待而行也○帝乙歸

妹不如其娣之袂良也。其位在中。以貴行也。  
○上六无實承虛筐也。○雷電皆至。豐君子  
以折獄致刑。○雖旬无咎。過旬災也。○有孚  
發若。信以發志也。○豐其沛。不可大事也。折  
其右肱。終不可用也。○豐其蔀。位不當也。日  
中見斗。幽不明也。遇其夷主。吉行也。○六五  
之吉。有慶也。○豐其屋。天際翔也。闕其戶。闕  
其無人。自藏也。○山上有火。旅。君子以明慎  
用刑。而不留獄。○旅瑣瑣。志窮災也。○得童  
僕。貞終无尤也。○旅焚其次。亦以傷矣。以旅  
與下。其義器也。○旅于處。未得位也。得其資  
斧。心未快也。○終以譽命。上逮也。○以旅在  
上。其義焚也。器牛于易。終莫之聞也。○隨風  
巽。君子以申命行事。○進退志疑也。利武人  
之貞。志治也。○紛若之吉。得中也。○頻巽之  
吝。志窮也。○田獲三品。有功也。○九五之吉。

佐正中也○巽在牀下上窮也。卷其資斧正  
乎凶也○麗澤兌君子以朋友講習○和兌  
之吉行未疑也○孚兌之吉信志也○來兌  
之凶位不當也○九四之喜有慶也○孚于  
剝位正當也○上六引兌未光也○風行水  
上渙先王以享于帝立廟○初六之吉順也  
○渙奔其机得願也○渙其躬志在外也○  
渙其羣元吉光大也○王居无咎正位也○  
渙其血遠害也○澤上有水節君子以制數  
度議德行○不出戶庭知通塞也○不出門  
庭凶失時極也○不節之嗟又誰咎也○安  
節之亨承上道也○甘節之吉居位中也○  
苦節貞凶其道窮也○澤上有風中孚君子  
以議獄緩死○初九虞吉志未變也○其子  
和之中心願也○或鼓或罷位不當也○馬  
匹亡絕類上也○有孚攣如位正當也○翰

易經下

卷九

音登于天何可長也○山上有雷小過君子  
 以行過乎恭過乎哀用過乎儉○飛鳥以  
 凶不可如何也○不及其君臣不可過也○  
 從或戒之凶如何也○弗過遇之位不當也  
 往厲必戒終不可長也○密雲不雨已上也  
 ○弗遇過之已亢也○水在火上既濟君子  
 以思患而豫防之○曳其輪義无咎也○七  
 日得以中道也○三年克之德也○終日戒  
 有所疑也○東鄰殺牛不如西鄰之時也實  
 受其福吉大來也○濡其首厲何可久也○  
 火在水上未濟君子以慎辨物居方○濡其  
 尾亦不知極也○九二貞吉中以行正也○  
 未濟征凶位不當也○貞吉悔亡志行也○  
 君子之光其暉吉也○飲酒濡首亦不知節  
 也

繫辭上傳

本義繫辭本謂文王周公所  
 作此篇乃孔子所述之傳也

天尊地卑，乾坤定矣。卑高以陳，貴賤位矣。動  
 靜有常，剛柔斷矣。方以類聚，物以羣分。吉凶  
 生矣。在天成象，在地成形。變化見矣。是故剛  
 柔相摩，八卦相盪。鼓之以雷霆，潤之以風雨。  
 日月運行，一寒一暑。乾道成男，坤道成女。乾  
 知大始，坤作成物。乾以易知，坤以簡能。易則  
 易知，簡則易從。易知則有親，易從則有功。有  
 親則可久，有功則可大。可大則賢人之德，可  
 大則賢人之業。易簡而天下之理得矣。天下  
 之理得而成位乎其中矣。○聖人設卦觀象，  
 繫辭焉而明吉凶。剛柔相推而生變化。是故  
 吉凶者，失得之象也。悔吝者，憂虞之象也。變  
 化者，進退之象也。剛柔者，晝夜之象也。六爻  
 之動，三極之道也。是故君子居而安者，易  
 之序也。所樂而玩者，爻之辭也。是故君子居  
 則觀其象而玩其辭，動則觀其變而玩其占。



是以自天祐之吉无不利○彖者言乎象者也  
又者言乎變者也吉凶者言乎其失得也  
悔吝者言乎其小疵也无咎者善補過也是  
故列貴賤者存乎位齊小大者存乎卦辯吉  
凶者存乎辭憂悔吝者存乎介震无咎者存  
乎悔是故卦有小大辭有險易辭也者各指  
其所之○易與天地準故能彌綸天地之道  
仰以觀於天文俯以察於地理是故知幽明  
之故原始反終故知死生之說精氣爲物遊  
魂爲變是故知鬼神之情狀與天地相似故  
不違知周乎萬物而道濟天下故不過苟行  
而不流樂天知命故不憂安土敦乎仁故能  
愛範圍天地之化而不過曲成萬物而不遺  
通乎晝夜之道而知故神无方而易无體○  
一陰一陽之謂道繼之者善也成之者性也  
仁者見之謂之仁知者見之謂之知百姓日

用而不知，故君子之道鮮矣。顯諸仁，藏諸用，  
鼓萬物而不與聖人同憂，盛德大業至矣哉。  
富有之謂大業，日新之謂盛德，生生之謂易，  
成象之謂乾，效法之謂坤，極數知來之謂占，  
通變之謂事，陰陽不測之謂神。○夫易廣矣，  
大矣，以言乎遠則不禦，以言乎邇則靜而正，  
以言乎天地之間則備矣。夫乾其靜也專，其  
動也直，是以大生焉。夫坤其靜也翕，其動也  
闢，是以廣生焉。廣大配天地，變通配四時，陰  
陽之義配日月，易簡之善配至德。○子曰：易  
其至矣乎！夫易，聖人所以崇德而廣業也。知  
崇禮卑，崇效天，卑法地。天地設位，而易行乎  
其中矣。成性存存，道義之門。○聖人有以見  
天下之賾，而擬諸其形容，象其物宜，是故謂  
之象。聖人有以見天下之動，而觀其會通，以  
行其典禮，繫辭焉以斷其吉凶，是故謂之爻。

言天下之至賾而不可惡也。言天下之至動而不可亂也。擬之而後言，議之而後動。擬議以成其變化。○鳴鶴在陰，其子和之。我有好爵，吾與爾靡之。子曰：君子居其室，出其言善，則千里之外應之；況其邇者乎！居其室，出其言不善，則千里之外違之；況其邇者乎！言出乎身，加乎民；行發乎邇，見乎遠。言行君子之樞機，樞機之發，榮辱之主也。言行君子之所由，動天地，也可不慎乎！○同人先號咷而後笑。子曰：君子之道，或出或處，或默或語。二人同心，其利斷金；同心之言，其臭如蘭。○初六，籍用白茅，无咎。子曰：苟錯諸地而可矣，籍之用茅，何咎？之有慎之至也。夫茅之為物，薄而用可重也。慎斯術也，以往其无所失矣。右叙大過初六勞謙，君子有終，吉。子曰：勞而不伐，有功而不德，厚之至也。語以其功，下人者也。德言盛，禮

易經下

言

言恭謙也者致恭以存其位者也○亢龍有  
 悔子曰貴而无位高而无民賢人在下位而  
 无輔是以動而有悔也○不出戶庭无咎子  
 曰亂之所生也則言語以為階君不密則失  
 臣臣不密則失身幾事不密則害成是以君  
 子慎密而不出也子曰作易者其知盜乎易  
 曰負且乘致寇至負也者小人之事也乘也  
 者君子之器也小人而乘君子之器盜思奪  
 之矣上慢下暴盜思伐之矣慢藏誨盜冶容  
 誨淫易曰負且乘致寇至盜之招也○天一  
 地二天三地四天五地六天七地八天九地  
 十天數五地數五五位相得而各有合天數  
 二十有五地數三十凡天地之數五十有五  
 此所以成變化而行鬼神也太衍之數五十  
 其用四十有九分而為二以象兩掛一以象  
 三揲之以四以象四時歸奇於扚以象閏五

歲再闔。故再扐而後掛。乾之策二百一十有六。坤之策百四十有四。凡三百有六十。當期之日。二篇之策萬有一千五百二十。當萬物之數也。是故四營而成易。十有八變而成卦。八卦而小成。引而伸之。觸類而長之。天下之能事畢矣。顯道神德行。是故可與酬酢。可與祐神矣。子曰。知變化之道者。其知神之所為乎。○易有聖人之道四焉。以言者尚其辭。以動者尚其變。以制器者尚其象。以卜筮者尚其占。是以君子將有為也。將有行也。問焉而以其言。其受命也。如嚮。无有遠近幽深。遂知來物。非天下之至精。其孰能與於此。參伍以變。錯綜其數。通其變。遂成天地之文。極其數。遂定天下之象。非天下之至變。其孰能與於此。易无思也。无為也。寂然不動。感而遂通天下之故。非天下之至神。其孰能與於此。夫易聖

人之所以極深而研幾也。唯深也。故能通天  
下之志。唯幾也。故能成天下之務。唯神也。故  
不疾而速。不行而至。子曰。易有聖人之道四  
焉者。此之謂也。○子曰。夫易何爲者也。夫易  
開物成務。冒天下之道如斯而已者也。是故  
聖人以通天下之志。以定天下之業。以斷天  
下之疑。是故蓍之德圓而神。卦之德方以知  
六爻之義。易以貢。聖人以此洗心。退藏於密。  
吉凶與民同患。神以知來。知以藏往。其孰能  
與於此哉。古之聰明睿知神武而不殺者。夫  
是以明於天之道。而察於民之故。是興神物。  
以前民用。聖人以此齋戒。以神明其德。夫是  
故闔戶謂之坤。闢戶謂之乾。一闔一闢謂之  
變。往來不窮謂之通。見乃謂之象。形乃謂之  
器。制而用之謂之法。利用出入。民咸用之謂  
之神。是故易有太極。是生兩儀。兩儀生四象。

四象生八卦。八卦定吉凶。吉凶生大業。是故  
法象莫大乎天地。變通莫大乎四時。懸象著  
明莫大乎日月。崇高莫大乎富貴。備物致用  
立成器。以為天下利。莫大乎聖人。探頤索隱  
鈎深致遠。以定天下之吉凶。成天下之亹亹  
者。莫大乎蓍龜。是故天生神物。聖人則之。天  
地變化。聖人效之。天垂象。見吉凶。聖人象之。  
何出圖。洛出書。聖人則之。易有四象。所以示  
也。繫辭焉。所以告也。定之以吉凶。所以斷也。

○易曰。自天祐之。吉无不利。子曰。祐者。助也。  
天之所助者。順也。人之所以助者。信也。履信思  
乎順。又以尚賢也。是以自天祐之。吉无不利  
也。○子曰。書不盡言。言不盡意。然則聖人之  
意。其不可見乎。子曰。聖人立象以盡意。設卦  
以盡情。係繫辭焉。以盡其言。變而通之。以盡  
利。鼓之舞之。以盡神。乾坤其易之緼耶。乾坤

成列而易立乎其中矣。乾坤毀則无以見易。易不可見則乾坤或幾乎息矣。是故形而上者謂之道，形而下者謂之器。化而裁之謂之變，推而行之謂之通。舉而措之天下之民，謂之事業。是故夫象，聖人有以見天下之賾而擬諸其形容，象其物宜，是故謂之象。聖人有以見天下之動而觀其會通，以行其典禮，繫辭焉以斷其吉凶，是故謂之爻。極天下之賾者存乎卦，鼓天下之動者存乎辭，化而裁之存乎變，推而行之存乎通。神而明之存乎其人，默而成之不言而信，存乎德行。

繫辭下傳

八卦成列，象在其中矣。因而重之，爻在其中矣。剛柔相推，變在其中矣。繫辭焉而命之動在其中矣。吉凶悔吝者，生乎動者也。剛柔者立本者也。變通者，趨時者也。吉凶者，貞勝者。



也。天地之道，貞觀者也。日月之道，貞明者也。天下之動，貞夫一者也。夫乾確然示人易矣。夫坤隤然示人簡矣。爻也者，效此者也。象也者，像此者也。爻象動乎內，吉凶見乎外，功業見乎變。聖人之情，見乎辭。天地之大德曰生，聖人之大寶曰位。何以守位？曰人。何以聚人？曰財。理財正辭，禁民為非，曰義。○古者包犧氏之王天下也，仰則觀象於天，俯則觀法於地，觀鳥獸之文，與地之宜，近取諸身，遠取諸物，於是始作八卦，以通神明之德，以類萬物之情。○作結繩而為網罟，以佃以漁，蓋取諸離。○包犧氏沒，神農氏作，斲木為耜，揉木為耒，耒耨之利，以教天下，蓋取諸益。○日中為市，致天下之民，聚天下之貨，交易而退，各得其所，蓋取諸噬嗑。○神農氏沒，黃帝堯舜氏作，通其變，使民不倦，神而化之，使民宜之，易

易經

四

拆他  
落反  
杵目  
呂反

窮則變。變則通。通則久。是以自天祐之。吉无不利。黃帝堯舜垂衣裳而天下治。蓋取諸乾。坤剡木為舟。剡木為楫。舟楫之利以濟不通。致遠以利天下。蓋取諸渙。○服牛乘馬。引重致遠以利天下。蓋取諸隨。重門擊柝以待暴客。蓋取諸豫。○斷木為杵。掘地為臼。臼杵之利。萬民以濟。蓋取諸小過。○弦木為弧。剡木為矢。弧矢之利以威天下。蓋取諸睽。○上古穴居而野處。後世聖人易之以宮室。上棟下宇以待風雨。蓋取諸大壯。○古之葬者。厚衣之以薪。葬之中野。不封不樹。卷期無數。後世聖人易之以棺槨。蓋取諸大過。○上古結繩而治。後世聖人易之以書契。百官以治。萬民以察。蓋取諸夬。○是故易者象也。象也者。像也。象者。材也。爻也者。效天下之動者也。是故吉凶生而悔吝著也。○陽卦多陰。陰卦多陽。

易經

卷一

其故何也。陽卦奇陰卦耦。其德行何也。陽一  
君而二民。君子之道也。陰二君而一民。小人  
之道也。○易曰。憧憧往來。朋從爾思。子曰。天  
下何思何慮。天下同歸而殊塗。一致而百慮。  
天下何思何慮。日往則月來。月往則日來。日  
月相推而明生焉。寒往則暑來。暑往則寒來。  
寒暑相推而歲成焉。往者屈也。來者信也。屈  
信相感而利生焉。尺蠖之屈。以求信也。龍蛇  
之蟄。以存身也。精義入神。以致用也。利用安  
身。以崇德也。過此以往。未之或知也。窮神知  
化。德之盛也。○易曰。困于石。據于蒺藜。入于  
其宮。不見其妻。凶。子曰。非所困而困焉。名必  
辱。非所據而據焉。身必危。既辱且危。死期將  
至。妻其可得見耶。○易曰。公用射隼于高墉  
之上。獲之无不利。子曰。隼者。禽也。弓矢者。器  
也。射之者。人也。君子藏器於身。待時而動。何

不利之有動而不括是以出而有獲語成器  
而動者也子曰小人恥不仁不良不義不  
見利不勸不威不懲小懲而大誡此小人之  
福也易曰履校滅趾无咎此之謂也○善不  
積不足以成名惡不積不足以滅身小人以  
小善為无益而弗為也以小惡為无傷而弗  
去也故惡積而不可掩罪大而不可解易曰  
何校滅耳凶○子曰危者安其位者也亡者  
保其存者也亂者有其治者也是故君子安  
而不忘危存而不忘亡治而不忘亂是以身  
安而國家可保也易曰其亡其亡繫于苞桑  
○子曰德薄而位尊知小而謀大力小而任  
重鮮不及矣易曰鼎折足覆公餗其形渥凶  
言不勝其任也○子曰知幾其神乎君子上  
交不諂下交不瀆其知幾乎幾者動之微吉  
之先見者也君子見幾而作不俟終日易曰

介于石不終日貞吉。介如石焉。寧用終日。斷  
可識矣。君子知微知彰知柔知剛。萬夫之望  
○子曰顏氏之子其殆庶幾乎。有不善未嘗  
不知知之未嘗復行也。易曰不遠復无祇悔  
元吉。○天地絪縕萬物化醇男女構精萬物  
化生。易曰三人行則損一人一人行則得其  
友。言致一也。○子曰君子安其身而後動易  
其心而後語定其交而後求君子脩此三者  
故全也。危以動則民不與也。懼以語則民不  
應也。无交而求則民不與也。莫之與則傷之  
者至矣。易曰莫益之或擊之立心勿恒凶。○  
子曰乾坤其易之門耶。乾陽物也坤陰物也。  
陰陽合德而剛柔有體以體天地之撰以通  
神明之德其稱名也雜而不越於稽其類其  
衰世之意耶。夫易彰往而察來而微顯闡幽  
開而當名辨物正言斷辭則備矣。其稱名也

小其取類也大其旨遠其辭文其言曲而中  
其事肆而隱因貳以濟民行以明得失之報  
○易之興也其於中古乎作易者其有憂患  
乎是故履德之基也謙德之柄也復德之本  
也恆德之固也損德之脩也益德之裕也困  
德之辨也井德之地也巽德之制也履和而  
至謙尊而光復小而辨於物恆雜而不厭損  
先難而後易益長裕而不設困窮而通井居  
其所而遷巽稱而隱履以和行謙以制禮復  
以自知恆以一德損以遠害益以興利困以  
寡怨井以辨義巽以行權○易之為書也不  
可遠為道也屢遷變動不居周流六虛上下  
无常剛柔相易不可為典要唯變所適其出  
入以度外內使知懼又明於憂患與故无有  
師保如臨父母初率其辭而揆其方既有典  
常苟非其人道不虛行○易之為書也原始

易經下

四

要終以爲質也。六爻相雜，唯其時物也。其初難知其上，易知本末也。初辭擬之，卒成之終。若夫雜物撰德，辨是非，則非其中爻不備。噫，亦要存亡吉凶，則居可知矣。知者觀其象辭，則思過半矣。二與四同功，而異位，其善不同。二多譽，四多懼，近也。柔之爲道，不利遠者。其要无咎，其用柔中也。三與五同功，而異位，三多凶，五多功，貴賤之等也。其柔危，其剛勝邪。○易之爲書也，廣大悉備，有天道焉，有人道焉，有地道焉，兼三才而兩之，故六。六者非他也。三才之道也。道有變動，故曰爻。爻有等，故曰物。物相雜，故曰文。文不當，故吉凶生焉。○易之興也，其當殷之末世，周之盛德邪。當文王與紂之事邪。是故其辭危。危者使平易者使傾。其道甚大，百物不廢。懼以終始，其要无咎。此之謂易之道也。○夫乾，天下之至健

也德行恆易以知險夫坤天下之至順也德行恆簡以知阻能說諸心能研諸侯之慮定天下之吉凶成天下之亹亹者是故變化云為吉事有祥象事知器占事知來天地設位聖人成能人謀鬼謀百姓與能八卦以象告爻象以情言剛柔雜居而吉凶可見矣變動以利言吉凶以情遷是故愛惡相攻而吉凶生遠近相取而悔吝生情偽相感而利害生

惡鳥路友

凡易之情近而不相得則凶或害之悔且吝將叛者其辭慙中心疑者其辭枝吉人之辭寡躁人之辭多誣善之人其辭游失其守者其辭屈

文言

本義此篇申彖傳象傳之意以尽乾坤二卦之蘊餘卦又列推

元者善之長也亨者嘉之會也利者義之和也貞者事之幹也君子體仁足以長人嘉會足以合禮利物足以和義貞固足以幹事君



子行此四德者。故曰。乾元亨利貞。初九曰。潛龍勿用。何謂也。子曰。龍德而隱者也。不易乎世。不成乎名。遯世无悶。不見是而无悶。樂則行之。憂則違之。確乎其不可拔。潛龍也。九二曰。見龍在田。利見大人。何謂也。子曰。龍德而正中者也。庸言之信。庸行之謹。閑邪存其誠。善世而不伐。德博而化。易曰。見龍在田。利見大人。君德也。九三曰。君子終日乾乾。夕惕若厲。无咎。何謂也。子曰。君子進德修業。忠信所以進德也。脩辭立其誠。所以居業也。知至至之。可與幾也。知終終之。可與存義也。是故居上位而不驕。在下位而不憂。故乾乾因其時而惕。雖危无咎矣。九四曰。或躍在淵。无咎。何謂也。子曰。上下无常。非為邪也。進退无恒。非離羣也。君子進德脩業。欲及時也。故无咎。九五曰。飛龍在天。利見大人。何謂也。子曰。同聲

相應。同氣相求。水流湮。火就燥。雲從龍。風從  
虎。聖人作而萬物覩。本乎天者親上。本乎地  
者親下。則各從其類也。上九曰。亢龍有悔。何  
謂也。子曰。貴而无位。高而无民。賢人在下位  
而无輔。是以動而有悔也。潛龍勿用。下也。見  
龍在田。時舍也。終日乾乾。行事也。或躍在淵。  
自試也。飛龍在天。上治也。亢龍有悔。窮之災  
也。乾元用九。天下治也。潛龍勿用。陽氣潛藏。

見龍在田。天下文明。終日乾乾。與時偕行。或  
躍在淵。乾道乃革。飛龍在天。乃佐乎天德。亢  
龍有悔。與時偕極。乾元用九。乃見天則。乾元  
者。始而亨者也。利貞者。性情也。乾始能以美  
利利天下。不言所利。大矣哉。大哉乾乎。剛健  
中正。純粹精也。六爻發揮。旁通情也。時乘六  
龍。以御天也。雲行雨施。天下平也。君子以成  
德。爲行。日可見之行也。潛之爲言也。隱而未

或胡  
國友

見行而未成。是以君子弗用也。君子學以聚  
 之。問以辨之。寬以居之。仁以行之。易曰。見龍  
 在田。利見大人。君德也。九三重剛而不中。上  
 不在天。下不在田。故乾乾因其時而惕。雖危  
 无咎矣。九四重剛而不中。上不在天。下不在  
 田。中不在人。故或之。或之者。疑之也。故无咎。  
 夫大人者。與天地合其德。與日月合其明。與  
 四時合其序。與鬼神合其吉凶。先天而天弗  
 違。後天而奉天時。天且弗違。而況於人乎。況  
 於鬼神乎。亢之為言也。知進而不知退。知存  
 而不知亡。知得而不知喪。其唯聖人乎。知進  
 退存亡而不失其正者。其唯聖人乎。○坤至  
 柔而動也剛。至靜而德方。後得主而有常。含  
 萬物而化光。坤道其順乎。承天而時行。積善  
 之家。必有餘慶。積不善之家。必有餘殃。臣弑  
 其君。子弑其父。非一朝一夕之故。其所由來

者漸矣。由辨之不早辨也。易曰：履霜，堅冰至。蓋言順也。直，其正也。方，其義也。君子敬以直內，義以方外，敬義立而德不孤。直方大，不習無不利。則不疑其所行也。陰雖有美，含之以從王事，弗敢成也。地道也，妻道也，臣道也。地道無成而代有終也。天地變化，草木蕃，天地閉，賢人隱。易曰：括囊無咎，無譽。蓋言謹也。君子黃中通理，正位居體，美在其中，而暢於四支，發於事業，美之至也。陰疑於陽，必戰，爲其嫌於無陽也。故稱龍焉，猶未離其類也。故稱血焉。夫玄黃者，天地之雜也。天玄而地黃。

說卦傳

筮者聖人之作易也。幽贊於神明而生蓍，参天兩地而倚數，觀變於陰陽而立卦，發揮於剛柔而生爻，和順於道德而理於義，窮理盡性，以至於命。○筮者聖人之作易也，將以順

性命之理是以立天之道曰陰與陽立地之  
道曰柔與剛立人之道曰仁與義兼三才而  
兩之故易六畫而成卦分陰分陽迭用柔剛  
故易六位而成章○天地定位山澤通氣雷  
風相薄水火不相射八卦相錯數往者順知  
來者逆是故易逆數也○雷以動之風以散  
之雨以潤之日以暄之艮以止之兌以說之  
乾以君之坤以藏之○帝出乎震齊乎巽相  
見乎離致役乎坤說言乎兌戰乎乾勞乎坎  
成言乎艮萬物出乎震震東方也齊乎巽巽  
東南也齊也者言萬物之際齊也離也者明  
也萬物皆相見南方之卦也聖人南面而聽  
天下嚮明而治蓋取諸此也坤也者地也萬  
物皆致養焉故曰致役乎坤兌正秋也萬物  
之所說也故曰說言乎兌戰乎乾乾西北之  
卦也言陰陽相薄也坎者水也正北方之卦

也。勞卦也。萬物之所歸也。故曰勞乎坎。艮東  
北之卦也。萬物之所成終而所成始也。故曰  
成言乎艮。○神也者。妙萬物而為言者也。動  
萬物者莫疾乎雷。撓萬物者莫疾乎風。燥萬  
物者莫熯乎火。說萬物者莫說乎澤。潤萬物  
者莫潤乎水。終萬物始萬物者莫盛乎艮。故  
水火相逮。雷風不相悖。山澤通氣。然後能變  
化。既成萬物也。○乾健也。坤順也。震動也。巽  
入也。坎陷也。離麗也。艮止也。兌說也。○乾為  
馬。坤為牛。震為龍。巽為雞。坎為豕。離為雉。艮  
為狗。兌為羊。○乾為首。坤為腹。震為足。巽為  
股。坎為耳。離為目。艮為手。兌為口。○乾天也。  
故稱乎父。坤地也。故稱乎母。震一索而得男。  
故謂之長男。巽一索而得女。故謂之長女。坎  
再索而得男。故謂之中男。離再索而得女。故  
謂之中女。艮三索而得男。故謂之少男。兌三

圖音

專音 乎 菴音 丸 馬主 樹反

索而得女。故謂之少女。○乾為天。為園。為君。  
 為父。為玉。為金。為寒。為冰。為大赤。為良馬。為  
 老馬。為瘠馬。為駁馬。為木果。○坤為地。為母。  
 為布。為釜。為吝嗇。為均。為子母牛。為大輿。為  
 文。為衆。為柄。其於地也為黑。○震為雷。為龍。  
 為玄黃。為萑。為大塗。為長子。為決躁。為蒼筤  
 竹。為萑葦。其於馬也為善鳴。為馵足。為作足。  
 為的顙。其於稼也為反生。其究為健。為蕃鮮。

縣如 九反

○巽為木。為風。為長女。為繩直。為工。為白。為  
 長。為高。為進退。為不果。為臭。其於人也為寡  
 髮。為廣顙。為多白眼。為近利市三倍。其究為  
 躁卦。○坎為水。為溝瀆。為隱伏。為矯輮。為弓。  
 輪。其於人也為加憂。為心病。為耳痛。為血卦。  
 為赤。其於馬也為美脊。為亟心。為下首。為薄  
 蹄。為曳。其於輿也為多眚。為通。為月。為盜。其  
 於木也為堅多心。○離為火。為日。為電。為中

干 乾音

和 贏力

火 融力

廢 喙况

吉 鹵力

釋 推

女為甲冑。為文兵。其於人也為大腹。為乾卦。為蟹。為蠃。為蚌。為龜。其於木也為科。上槁。○艮為山。為徑路。為小石。為門闕。為果蓏。為闍寺。為指。為狗。為鼠。為黔喙之屬。其於木也為堅。多節。○兌為澤。為少女。為巫。為口舌。為毀折。為附決。其於地也為剛鹵。為妾。為羊。

序卦傳

有天地。然後萬物生焉。盈天地之間者。唯萬

物。故受之以屯。屯者盈也。屯者物之始生也。物生必蒙。故受之以蒙。蒙者蒙也。物之穉也。物穉不可不養也。故受之以需。需者飲食之道也。飲食必有訟。故受之以訟。訟必有眾起。故受之以師。師者眾也。眾必有所比。故受之以比。比者比也。比必有所畜。故受之以小畜。物畜然後有禮。故受之以履。履而泰。然後安。故受之以泰。泰者通也。物不可以終通。故受

易經

卷五



之以否物不可以終否故受之以同人與人  
同者物必歸焉故受之以大有有大者不可  
以盈故受之以謙有大而能謙必豫故受之  
以豫豫必有隨故受之以隨以喜隨人者必  
有事故受之以蠱蠱者事也有事而後可大  
故受之以臨臨者大也物大然後可觀故受  
之以觀可觀而後有所合故受之以噬嗑嗑  
者合也物不可以苟合而已故受之以賁賁  
者飾也致飾然後亨則盡矣故受之以剝剝  
者剝也物不可以終盡剝窮上反下故受之  
以復復則不妄矣故受之以无妄有无妄然  
後可畜故受之以大畜物畜然後可養故受  
之以頤頤者養也不養則不可動故受之以  
大過物不可以終過故受之以坎坎者陷也  
陷必有所麗故受之以離離者麗也○有天  
地然後有萬物有萬物然後有男女有男女

然後有夫婦。有夫婦，然後有父子。有父子，然後有君臣。有君臣，然後有上下。有上下，然後禮義有所錯。夫婦之道，不可以不久也。故受之以恆。恆者，久也。物不可以久居其所，故受之以遯。遯者，退也。物不可以終遯，故受之以大壯。物不可以終壯，故受之以晉。晉者，進也。進必有所傷，故受之以明夷。夷者，傷也。傷於外者，必反於家，故受之以家人。家道窮，必乖。

乖古  
懷反

故受之以睽。睽者，乖也。乖必有難，故受之以蹇。蹇者，難也。物不可以終難，故受之以解。解者，緩也。緩必有所失，故受之以損。損而不已，必益，故受之以益。益而不已，必決，故受之以夬。夬者，決也。決必有所遇，故受之以姤。姤者，遇也。物相遇而後聚，故受之以萃。萃者，聚也。聚而上者，謂之升，故受之以升。升而不已，必困，故受之以困。困乎上者，必反下，故受之以

易經下

五十一

井井道不可不革故受之以革革物者莫若  
鼎故受之以鼎主器者莫若長子故受之以  
震震者動也物不可以終動止之故受之以  
艮艮者止也物不可以終止故受之以漸漸  
者進也進必有所歸故受之以歸妹得其所  
歸者必大故受之以豐豐者大也窮大者必  
失其居故受之以旅旅而无所容故受之以  
巽巽者入也入而後說之故受之以兌兌者  
說也說而後散之故受之以渙渙者離也物  
不可以終離故受之以節節而信之故受之  
以中孚有其信者必行之故受之以小過有  
過物者必濟故受之以既濟物不可窮也故  
受之以未濟終焉

雜卦傳

乾剛坤柔比樂師憂臨觀之義或與或求屯  
見而不失其居蒙雜而著震起也艮止也損

益盛衰之始也。大畜時也。无妄災也。萃聚而  
升不來也。謙輕而豫怠也。噬嗑食也。賁无色  
也。兌見而巽伏也。隨无故也。蠱則飾也。剝爛  
也。復反也。晉晝也。明夷誅也。井通而困相遇  
也。咸速也。恆久也。渙離也。節止也。解緩也。蹇  
難也。睽外也。家人內也。否泰反其類也。大壯  
則止。遯則退也。大有衆也。同人親也。革去故  
也。鼎取新也。小過過也。中孚信也。豐多故親  
寡旅也。離上而坎下也。小畜寡也。履不處也。  
需不進也。訟不親也。大過顛也。姤遇也。柔遇  
剛也。漸女歸待男行也。頤養正也。既濟定也。  
歸妹女之終也。未濟男之窮也。夬決也。剛決  
柔也。君子道長。小人道憂也。

易經卷下終

易經下

五九



